

ذكرياتي مع الشيخ الألباني رحمه الله | الشيخ الحويني

أبو إسحاق الحويني

ونستعين به ونستغفره ونعوذ بالله تعالى من شرور أنفسنا وسيئات أعمالنا من يهدي الله تعالى فلا مضل له ومن يضل فلا هادي له
وأشهد أن لا إله إلا الله وحده لا شريك له - [00:00:00](#)

أشهد أن محمدا عبده ورسوله أما بعد فإن اصدق الحديث كتاب الله تعالى واحسن الهدي هدي محمد صلى الله عليه واله وسلم وشر الأمور محدثاتها. وكل محدثة بدعة وكل بدعة ضلالة وكل ضلالة في النار - [00:09:36](#)

اللهم صل على محمد وعلى آل محمد كما صليت على إبراهيم وعلى آل إبراهيم في العالمين أنك حميد مجيد وبارك على محمد وعلى آل محمد كما باركت على إبراهيم وعلى آل إبراهيم - [00:09:59](#)

العالمين أنك حميد مجيد أما عن بضاعتي في الحديث آآ الشيخ أبو يوسف بدر البدر حفظه الله يعرف بضاعتي في الحديث وربما كان أقدر على الحكم عليها أما بالنسبة لمجالسة شيخنا فابو ليلى - [00:10:16](#)

حفظه الله أكثر مجالسة مني والزم أه وأنا لقيت شيخنا رحمة الله عليه مرتين المرة الأولى في المحرم الف ربعمية وسبعة هجرية وظللت قرابة شهر في عمان وفي المرة الثانية لقيته في آخر مرة حج فيها فيما أعلم - [00:10:39](#)

وهي سنة الف وربعمية وعشرة صح ولا وكانت هي أول آآ حجة آآ لي وهي آخر حجة لشيخنا أه وظللت معه قرابة اسبوعين تقريبا. هذا هو كل رصيدي أه أه بالنسبة لشيخنا رحمه الله - [00:11:05](#)

لكن أنا لما ذهبت إلى الشيخ الألباني زهبت يحملني الشوق عيني كانت كالكاميرا المسجلة اذني التقطت كل شيء حتى المجلس الذي رفض أن أسجله في داره وفيه قصة أنا أحفظه عن ظهر قلب - [00:11:27](#)

أحفظوا كلماته وأحفظ آآ تعبيرات ووجهه وهو يتكلم يعني لما ذهبت إلى عمان آآ وكان لي بعض الكتب نشرت منها كتاب فصل الخطاب بنقد المغني عن الحفظ والكتاب وكان منها تحقيق خصائص علي ابن أبي طالب للإمام أبي عبد الرحمن النسائي - [00:11:57](#)

وحدثني رجل أنذاك كان يعتبر حوار الشيخ الأول أسأل الله أن يهديه وكان بدأ يعني في انحرافات عن الشيخ في أيام ما أنا كنت موجودا. أنذاك ودي عاقبة الغلو. كان يغلو في الشيخ غلوا - [00:12:28](#)

شديدا جدا وأي إنسان يغلو فيك لازم تخاف منه عاقبة الغلو لانقلاب القدر تماما آآ فهو الحقيقة لما لقيني آآ قال لي أنا كنت اسمع من الشيخ الألباني رحمه الله يقول ليس لي تلاميذ على طريقتي ومنهجي - [00:12:46](#)

يقول فلما وجدت كتابك أخذت فصل خطاب أخذته وأعطيته للشيخ الألباني وقلت له وجدنا آآ رجلا على نفس نفسك في التخريج يعني فأخذه وبعد ثلاثة أيام راجعته فقال هو كما قلت - [00:13:11](#)

طبعا الأخبار دي وصلتني فهذا أيه يعني آآ حفزني أن ألقى الشيخ وأن أكون يعني لي آآ عنده مكانة آآ في قلبه فيقبلني عنده أنا نزلت آآ في هذه الليلة عند الأخ أبي الفداء - [00:13:29](#)

حفظه الله الأخ سمير الزبيدي وآآ كلمت الشيخ في الهاتف وهو الذي بادرنى بالسلام بالقاء السلام قال لي السلام عليكم ورحمة الله وبركاته. فانا رديت نفسي عليكم السلام ورحمة الله وبركاته. قال لي ما أحسنت الرد - [00:13:49](#)

أنا قلت من أولها أنا الجواب باين من عنوانه من أولها ما أحسنت الرد مش عارف فقلت لم يا شيخنا قال اجعل هذا بيني وبينك بحثا غدا آآ في الليلة دي أنا لم أذق طعم النوم - [00:14:08](#)

يعني ما وجه أساءات الرد أنا قدرت في نفسي وكان المجلد الثالث من السلسلة الصحيحة كان مطبوع أه بقي له عدة أشهر وكتب

الشيخ رحمة الله عليه ما تأتينا مصر ابدأ الطبقات الاصلية ما كانت تأتينا لحد ما واحد من عشرين ياخذ الطبعة ويصورها وينزلها

عندنا - 00:14:25

حينئذ نحرز الكتاب. اما بغير هذا فكان صعبا جدا فالشيخ رحمة الله عليه كان في هذا الكتاب في الجزء الثالث من الصحيحة كان صحح زيادة ومغفرته الرد اعمالا طبعا الرواية نفسها كنص يعني في الموضوع قبل ان يتراجع الشيخ والشيخ تراجع - 00:14:45 في اخر حياته في السلسلة الضعيفة مع اول مناسبة كعادته اذا بان له انه اخطأ كانوا يبصح الخطأ لكن اعمالا مع هذا النص مع عموم الآية ايضا واذا حييتوا بتحية فحيوا احسن منها او ردوها. فانا قلت احسن منها ممكن يبقى في زيادة بس انا متيهاً اول -

00:15:07

القاء واقول له كذا يقول لي ايه الدليل؟ مش هاعرف اجاب. هتبقى مشكلة فبسبب تأملي للمسألة آآ لم انم طول الليل الا قبيل الفجر قليل آآ رحت في النوم وكان المفروض لقائي مع الشيخ في صلاة الفجر هذا اليوم - 00:15:25 فطبعا لما ذهب يعني آآ علي اللقاء يعني حزن جدا ان كان نفسي اطالع صفحة وجه. ليه؟ عندي آآ تصور عن الشيخ من خلال كتاباته راسم له صورة معينة في ذهني وبتاع نفسي اري يعني هذا - 00:15:42

اللي هو كان له اكبر الاسر علي وعلى اتجاهي وعلى حياتي من هو الله عز وجل جعله سببا بانني آآ لم تتقاذفني الالهواء لا رحت الجامعات ولا انتقلت في الجامعات والكلام ده من يوم ما فتحت عيني وانا - 00:15:59 الحمد لله سلفي لا رحت يمين ولا شمال. اللي بيروح الافكار الاخرى لا يترك فكرا الا يترك الفكر عليه ظلالات كان معنا في زمان السجن يعني يا جماعة جماعة تكفير - 00:16:15

الزنازة قد الغرفة دي وكنا بنقسمها بالبلاطة يعني طبعا ايه كنا سلفيون وتكفيريون وفرماوية الفرملية دول معلش انا بحكي لكم زكريات يعني ما الفرماوية دول اللي هم يقولوا ان البخاري شيوعي. لانه من بخارى - 00:16:31 تبع الاتحاد السوفيتي انذاك فالبخاري الشيوعي فكانوا ايه يحرقوا البخاري ويحرقوا فتح الباري والكلام ده. الجماعة اللي هي مخهم ضارب دول فكان معنا واحد آآ رأس جماعة التكفير في الزنازة تبع الجماعة بتوعه - 00:16:51

ده آآ من المناقشات والمناظرات والكلام دهوت بدأ يلين قليلا لكن لم يترك الايه؟ التكفير. المهم بعد ما خرج من السجن اه اه ساب التكفير. بس ساب التكفير بعلقة اعترض على شكري مصطفى في بعض ما يقول قالوا له ازاي انت راجع شكري مصطفى وازاي تعترض عليه وبتاع ادوا له علة المحترمة المتينة كسروا عظمه ترك التكفير عشان العلة دي - 00:17:07

مش عشان الفكر والكلام وبعدين لما خرج من السجن بقى سلفي هو الحامل راية السلفية في البلد بس اشكاله كل ما يغضب يكفر يعني كل ما حد يستفزه يكفر يعني ايه كده يعني فهو سبحان الله يعني حتى يعني هذه اللحظة برغم ان رجل يعني عليه فضل ظاهر والكلام الا انه مش قادر - 00:17:32

يترك يعني هذه المسألة. فاي رجل يتقلب فيه الالهواء والافكار كل فكر بيتترك ظلًا عليه فلا يكون خالصا حتى اذا وصل الى روابب الحق فمن فضل الله عز وجل علي ان انا فتحت عيني اول ما فتحت عيني على كتب الشيخ الالباني رحمة الله عليه. فله صورة عندي نفسي اشوفه ونفسي آآ يعني اسلم عليه يقول كده - 00:17:55

راح علي هذا اللقاء. ثاني يوم الحقيقة التقى لما التقيت بالشيخ في منزل آآ باب الفداء آآ كان لقاء حارا جدا خلى الشيخ يدخل في قلبي في في التربية تكات صغيرة جدا - 00:18:17

هي اللي بتوزن البني ادم ممكن ما تكونش مقصودة يعني انا اعرف مثلا رجلا آآ حمل الدعوة السلفية على اكتافه في بلده في مصر عشان حاجة واحدة بس كان ذهب لبعض المشايخ - 00:18:36

الشيخ اخده تحت اباطه حط ايده على كتفه بس هذه هذا الموقف فتح قلب هذا الرجل تماما للدعوة سخر ماله وجاهه لانه ذو جاه يعني يعني آآ طلبة العلم والكلام ده بس علشان المسألة دي - 00:18:51

ساعات القلب ينفتح لمقتضى شيء صغير جدا جدا. انت لا لا تدرك يعني الى اي مدى يكون هو الحقيقة يعني الشيخ عمل معي حاجة

اول ما التقيت به دي فتحة قلبي فتحة الدلفتين بتوع قلبي زي ما احنا بنقولوا كده يعني - [00:19:11](#)

انه هو الذي بدأني بالعناق انا ما اقدرش انا لا اجرؤ يعني انا امها هاجم عليه ما اعرفش اعملها كنت متهيب جدا لاني لما شفته حسيت انه بندرة الحديث والسنة بتجري في وجهه كالشمس. اول ما شفته كنا بالليل يعني - [00:19:27](#)

سبحان الله لا انسى اللقاء يعني هو الحقيقة لما يعني آآ اخذني في التزميني واخذني في حضنه احسست بحنان الوالد وانا كنت بقى عشان ارواح الاردن ايامها يعني كانت محنة - [00:19:45](#)

محنة قاسية عشان ارواح الاردن فكنت رايح بقى مثقل بالهموم وكنت فقيرا وآآ ادوبك تمن التزكرة الاتوبيس ده استلفت وبتاع وقعدت اسد سنين تمن الباص اللي انا ركبته ورحت والكلام ده فيعني رايح بقى ايه مكسور تماما ذهري مكسور وجناحي مكسور وكل حاجة - [00:20:00](#)

فشعرت بنوع من الانتعاش لما آآ يعني الشيخ آآ يعني وهذا حفزني بعد الجلسة التي استمرت حوالي ساعة ونص ان انا ايه انتحي به جانبنا واطلب منه او اقول له ملخص - [00:20:21](#)

ما لك يا بت؟ قلت له انا فقير ولكني محب للعلم وما خرجت من بلدي لا لطلب دنيا ولا لجاي اشتغل ولا الكلام ده. انا جاي لك فقط الديني من وقتك يعني فسحة - [00:20:36](#)

آآ ان انا اجازمك واخدمك وآآ الكلام ده الشيخ يعني في الحاجات دي لا يجامل. انا احسست بكلامه ناشف اوي وهو بيكلمني. لا وقت عندي اقول له طيب يعني آآ ادبني مسلا ساعة بس في اليوم لا وقت عندي. طب ادبني خمس دقائق لا وقت عندي - [00:20:48](#)

انا شعرت ان انا احتاج ان ابكي فعلا يعني هذا الموقف انا لا انسى ما حييت. وكل ما اذكره احس ان انا قلبي برفرف. يعني ايه لان انا مستحضر الموقف بتاعه. احنا رحلتي راحت - [00:21:06](#)

يعني امنيتي ان انا الزم الشيخ والكلام ده الحقيقة وقفت مبلم مش عارف ارد ازاي يعني! ازاي انا قلت له يا شيخنا الله يعلم انني ما خرجت الا لاستفيد منك - [00:21:22](#)

وما ليش مأرب. فانا اذا كنت اخلصت النية في طلب في طلبي هذا سيفتح الله قلبك لي وان كانت الاخرى كفى عقابا عاجلا انا ارجع بخفي حين انا قلت له كده يعني بالكلام اللي انا قلته بالزبط يعني - [00:21:40](#)

كان بيصلي هو في آآ المسجد مسجد فالوجة كان بيصلي الاخ وضاح خريم وما زال حيا على اساس كان ايه يعني الشيخ آآ رأيه في مسألة آآ اذان الفجر والكلام ده وانه بيدنه بدري فكان بيجي المسجد ده من آآ المسكن بتاعه حوالي تلت ساعات - [00:21:56](#)

بالسيارة عشان يصلي في هذا المسجد فحرصت ان اصلي الفجر معه. فالحقيقة لما استقبلته خارج المسجد فيعني قال لعل الله فتح لك وبدأت الجلسات مع الشيخ رحمة الله عليه آآ في السيارة بتاعته اداني في الاول ساعة وبعدين استمرت الجلسات كل يوم نسحب - [00:22:16](#)

ربع ساعة ربع ساعة لحد ما وصلت لحوالي ثلاث ساعات كنت اسأل والشيخ يجيب وشعرت تبسط الشيخ معي لان الشيخ له هبة شديدة في قلبي. لان يعني حتى آآ اول شرايط تقريبا آآ اتسجلت آآ - [00:22:39](#)

آآ في مصر هنا كانت شريط انا مع الشيخ الالباني وتقريبا اه ودي انا مش شفت فيها ابو ليلى ليفتي لكن تقريبا يعني فيما اظن لكن كان عندي شريط كتير للشيخ قبلها. الشرايط اللي الشيخ ضحك فيها وتبسط كالشرايط اللي تعدي - [00:22:58](#)

لقاءاتي معه حتى ان الشيخ محمد اسماعيل يعني حفظه الله عندنا في مصر بعث لي رسالة كده قال لي يا ريت تحزف ضحك الشيخ من الشرايط وعلل ذلك بان الشيخ له شخصية صارمة واحنا ما اتعودناش نسمع ضحكة الشيخ - [00:23:13](#)

يعني يعني الكلام كله بقى ابحاس ابحاس وبتاع والكلام ده فما تعودناش على هذا الايه التبسط. وكان يعني قبل ما ابو ليلى اذن يحزف التفة والنفة الكلام ده كان برضه ايه شريط بخيرها يعني - [00:23:29](#)

يعني زي ما هي ما فيش آآ لحد ما يعني جاي يوم من الايام اللي هو اليوم بقى اللي انا حفظت كلام الشيخ عن ظهر قلبي فيه لما اه

الشيخ - [00:23:42](#)

لم يصلي معنا الفجر في هذا اليوم كان معنا اخونا ابو حمزة آآ القيسي احد اخوانا في كان بيصحبني بسيارته وكده يعني قلت يوم هيروح علي ازاي يعدي اليوم علي؟ لازم اروح للشيخ. فبعض اخوانا قال له لا تذهب الى الشيخ ليه؟ لانه - [00:23:53](#)

الشيخ يعني آآ لا احد يذهب اليه الا بموعد سابق وبعدين ما فيش داعي ان هو يقول لك ارجع او يقول لك كلاما بعد ما يعني وصلت معه الى مرحلة لا بأس بها وكثير من الطلبة لم يصل الى هذه المرحلة برغم انه قاعد في عمان - [00:24:14](#)

وقاعد مع الشيخ ويصلي مع الشيخ لكن لم يصل الى هذه المرتبة فانت ايه احفظ يعني المنزلة والكلام ده فانا استشرت رفيقي آآ ابا حمزة انذاك قلت له قال لي بص احنا نروح - [00:24:29](#)

احنا ورزقنا انا الحال الذي حفزني على الذهاب قصة كنت قرأتها في مادة بوست في معجم ياقوت البلدان ليقود وهو بيذكر اشهر او علماء بوست وهو ابن حبان رحمه الله ان هو كان حريصا على يعني الا يترك فائدة للشيخ ابن خزيمة الا يكتبها - [00:24:41](#)

فمن كتر ما تقل على ابن خزيمة في الاسئلة فقال له ابن خزيمة يوما تنحى عني يا بارد ابن حبان على الرسول قام كاتب الياه؟ العبارة تنحى عني يا بارد - [00:25:02](#)

فقالوا له طب اي فائدة تعود عليك من كتابة هذا؟ قال لا اترك شيئا للشيخ الا كتبته فانا قلت لو الشيخ قال لي ارجع يا بارد هاعتبرها من فوائد ايه؟ من فوائد هذا اليوم - [00:25:12](#)

ويبقى برضو ايه اسجلها برضو زي ما حصل لابن حبان وكده وسبحان الله على خلاف ما توقعت كان ده افضل ايام الرحلة على الاطلاق ايام ثلاث ساعات تعلمت معنى الاتباع او لاول مرة افهم معنى الاتباع في هذا اليوم - [00:25:23](#)

اه جلسنا في حديقة المنزل. وبعدين الشيخ دخل عشان يجيب الفطور ده طبعا كل ما يجيب طبق اقوم اجري عليه. عشان اخذ الطبق اهي بالشيخ ولا يخدمنا فيقوم يقول لي ايه؟ اجلس - [00:25:46](#)

يا شيخنا ما يصحش وعيب وعيب في حقي وما يصحش وبتاع اجلس برفق كده اقوم راجع بقى ايه قاعد. يروح يجيب طبق ثاني اجري عليه برضو اجلس يا شيخ ما يصحش وعيب واجلس - [00:25:59](#)

المررة الثالثة آآ بصراحة علي صوته وانتهرني يعني جدا قال اجلس فانا كشت في نفسي كده وشعرت بشيء من من الحياء يعني والكلام ده بعد ما واحنا قاعدين على الاكل قال لي ايه بقى - [00:26:13](#)

قال لي الامتثال هو الادب بل خير من الادب انا الكلمة دي هي اللي فتحت لي معنى الاتباع الاتباع هو الامتثال للامر مش المخالفة ليس هو آآ يعني تصرفك الذي تحسبه ادبا هو الادب - [00:26:27](#)

بل امتثال الامر هو الادب. انا دي اتفتحت لي معنى الاتباع بسبب المسألة دي وكان يعني في بعض الشيخ محمد نسيب الرفاعي رحمة الله عليه. آآ واسأل الله ان يرحمه كان من اقل ما لقيت من الناس يعني في حسن اخلاقه ودينه مثلما - [00:26:50](#)

الشيخ محمد نسيب الرفاعي رحمة الله عليه والقصة المعروفة اللي يمكن الشيخ حكاها في السلسلة الصحيحة في الجزء السادس وبسط القول فيها في اكثر من موضع فكان الشيخ آآ محمد نسيب الرفاعي لما زرتة - [00:27:10](#)

قال لي انا اه اصحاب الفضل علي اثنان ابن تيمية والالباني بالرغم ان هم قريبين في السن من بعض يمكن ازن الشيخ اكبر سنتين ثلاثة الشيخ نسيبه الشيخ نسيم اكبر - [00:27:22](#)

ومع ذلك يقول صاحب الفضل علي رجلان ابن تيمية والالباني يقول له كان الشيخ الالباني يزورنا مرة فدخلت ابنتي واسمها عائشة فقال لي يا محمد دي لو كانت كبيرة لتزوجتها وكنت مني بمنزلة ابي بكر المحام - [00:27:41](#)

يعني بيقول لي يعني شف العلاقة اللي كانت بينا وبتاع وبعدين حدس اي خلاف علمي اه كبر او صبر يعني المهم حصل خلاف علمي ما بين الشيخين وكده. لكن كلام الشيخ نسيب رفاعي كله كان تبجيلا وثناء على الشيخ الالباني وكده - [00:28:02](#)

وقال لي انت هتذهب للشيخ؟ قلت له نعم. قال لي ايه اذا يعني ايه آآ لقيته فسلم عليه انا ما عنديش اي خلفية عن اي حاجة ولا آآ اي موضوعات ولما لقيت الشيخ فقلت له انا كنت عند الشيخ - [00:28:17](#)

ابي غزوان والحقيقة بيرسل لك السلام وبيقول لي كزا وكزا وكزا وكزا ان في خلاف فانا عايز اسمع الياه اسمع حقيقة الخلاف العلمي

اللي كان بينك وبين الشيخ محمد نسيب الرفاعي - 00:28:31

انا معي المسجل لا يفارقني يعني. فحببت اسجل فقال لي لا تسجل هو ده اللي خلاني احفز احفز المجلس بتاع الشيخ وانا استفدت الحقيقة من كلمة لا تسجل اه في اه اه تعاملني مع الطلبة عندي - 00:28:46

كنت زمان مسلا وانا بشرح اصول الحديث او اشرح في اصول الفقه والكلام ده اجي اسأل الطلبة الاقي ولا واحد حافز حاجة آآ اعيد وازيد في في الشرح برضو اعمل امتحان برضه يجيبوا درجات تعبانة. انا عمال ادور على الخلل ايه اللي في الموضوع ده؟ اكتشفت ان الخلل جهاز التسجيل - 00:29:02

للطالب قاعد نايم خالص اتكالا على انه الشريط موجود وانه هيروح يسمع الشريط والكلام ده. لا هو في البيت بيسمع شريط ولا هو قاعد بيْفهم حاجة فاول ما الحقيقة يعني تزكرت بقى القصة دي وان انا حافز المجلس بالزبط للشيخ الالباني قاله منعت التسجيل تماما من دروس الاصول - 00:29:20

اول ما منعت التسجيل والطالب عرف ان الفائدة اذا فاتته لا يستطيع ان يحصنها. آآ كده استقامت الايه؟ استقامة وايد هذا ما كنت قرأته في كتاب تقييد العلم الخطيب البغدادي رحمه الله كلام ابن سيرين. قال وددت ان الايدي قطعت في الكتابة - 00:29:42
قيل لم؟ قال لانها ضيعت الحفظ وانا برضو آآ اجر الهامش شوية واقول برضو ان الاقاصي المدمجة هي التي ستضيع العلم. مش زي ما الناس متصورة ان الاقراص والكمبيوترات والبتاع ده - 00:30:00

اطلاقا هذه هذه كارثة. بمعنى كلمة الكارثة. ليه لان انا لما بزاكر كتاب من الكتب باخد الكتاب من الجلفة للجلفة حتى وان كنت لست محتاجا الى بعض العلم الذي فيه - 00:30:14

بدرس الكتاب من اوله لاخره. بيبقى عندي ملكة ملكة التعامل مع الكتاب. لكن الاشكال دلوقتي ان انا لما اكون عايز اعمل بحث في ماجستير في دكتوراه او اي بحث عايز يَألف كتاب يدخل عن طريق المادة اللغوية على الاقراص المدمجة اطلع كل ما يتعلق بالبتاعة دي اعمل بحث محترم وبعدين انسى الموضوع - 00:30:28

لو انت سألت الرجل اللي عمل الدكتوراه دكتوراه والكلام ده عن البحث دهوت بعد سنة ولا سنتين تجده لا يذكر شيئا من الجامعة. ليه ؟ لان ما تعبش عليه فهذا اوان ضياع العلم. اه ممكن ده يستقيم مع واحد اتعلم صح. ويتخذ الكلام ده كنوع من المساعدة العلمية اه لتوفير الوقت. كنوع من - 00:30:46

مش كتعلم هو الحقيقة في في هذا المجلس الشيخ صار وجهل وتكلم في موضوعات شتى ليس في موضوع الشيخ محمد نسيبي رحمة الله على الجميع. ولكن في موضوعات شتى. انا خرجت من هذا المجلس محبا للسنة - 00:31:07

بعدها كنت محبا للحديث وهناك فرق بينهما الامام احمد بن حنبل قبل المحنة كان اماما في الفقه والحديث وبعد المحنة صار اماما في السنة وهناك فرق ممكن تجد رجل محدثا ومبتدعا - 00:31:24

يعني محدثا يعني يعرف صنعة الحديث. يعرف يخرج كويس يعرف يتكلم عن العلة. كويس يعرف يجيب طرق لا يعرفها احد. ولا يسمع بها احد. ومع ذلك هو على بدعة ممكن تخرجه يعني آآ من الاسلام او بتخرجه على الاقل على السنة. فهناك فرق بين ان يكون المرء اماما في الحديث - 00:31:43

وبين ان يكون المرء اماما في السنة. انا لما ذهبت الى الشيخ الالباني رحمة الله عليه كنت اتمنى ان اكون آآ يعني آآ في الحديث لي آآ لكن انا الحقيقة رجعت من عند الشيخ رحمة الله عليه وانا محب للسنة - 00:32:03

اه في اخر يوم في الرحلة دي الشيخ رحمة الله عليه لما علم ان انا ساسافر دعانا على الغداء آآ فلما دخلت آآ امرني ان اجلس على رأس الطاولة وقال لي الرأس للرئيس - 00:32:18

هذا كلام والله لا انساه بقول لك يا شف التواضع الكبير بيبقى له طعم الوضع الكبير بيبقى له طعم آآ الكلمة دي صدعت قلبي دي انا شاب صغير والشيخ كان آآ نيف على السبعين يعني عدى السبعين انذاك - 00:32:43

مسألة يتواضع انا اخدت دي اتعلمتها انا غبت مع الشيخ تلت اسابيع دول طول عمر بالنسبة لي كل شيء انا اسجله بقلبي وعقلي قد

الصحة الطويلة لا تنفع صاحبها في ناس ممكن يجلسوا مع الشيخ طويلا طويلا انا انا اذكر - 00:33:04

واحد خارجين من جدة رايحين مكة كان السائق بتاع السائق اللي بيقد السيارة الشيخ جالس في الامام وانا جالس في الكرسي

الخلفي انا وابن الشيخ وآآ كت معنا في اه عقب الهجرة - 00:33:25

المهم آ السائق بيسأل الشيخ بيقول له ايه ؟ بيقول له يا شيخ الساعة اللي انا لابساها دي مش حرام يا شيخة قال له ليه ؟ قال له كلها

حديد يبقى حرامي يا شيخ - 00:33:40

طب ده يعني بيننا ومناول يعني ولا ايه انت تسأل وتسيب الشيخ يجاوب. لكن انت تسأل وتجاوب كلام مش برضه مش مستقيم

فالشيخ قال له ايه قال له قال لقد اخذتم اماكننا واخذنا اماكنكم - 00:33:55

برضه ما فهمهاش يعني برضو اللي بيسوق ما فهمش البتاع دي. فانا حببت افهم الايه السائق مغزى الكلمة يعني فقال لي دعه ولا لي دعوة. وانا كنت في آآ برضو في عمان كان في بعض الشيخ في في الديوانيات اللي زي دي او كده. بعض الشباب انا كنت شايفه واخذ

- 00:34:11

ركن كده على مرتبة ونايم على ظهره وحاطط رجل على رجل كده كنت بستهجن جدا ان في انسان يجلس في هذا المجلس لكن انت

عارف يعني آآ قرب الشيخ احيانا - 00:34:32

اه بيذهب الفائدة منه بن حزم الذكر المعنى ده في ابيات ابن حزم كان شاعرا فحلا ويقول وهو يتوجع من ده الذي ضيع بهاء العلم

وحشمة العلم عند بعض الملازمين - 00:34:46

كان يقول انا الشمس في جو العلوم منيرة لكن عيبي ان مطلعي الغرب ولو انني من جانب الشرق طالع لجد على ما ضاع من ذكرى

النهب ولي نحو اكناف العراق صباة - 00:35:06

ولا غرو ان يستوحش الكلف الصب فان ينزل الرحمن رحلي بينهم فحينئذ يبدو التأسف والكرب هنالك يدري ان للبعد قصة وان كساد

العلم افته القربى فمش كل انسان بيبكون قريب ممكن يبقى مستفيد. لآ - 00:35:26

احنا نعرف مسلا اه حامد يحيى البلخي ابراهيم البشار الرمادي كلاهما افنى حياته في مجالسة سفيان ابن عيين ومع ذلك هم

اللاتين لو اتعجنوا وبقوا شخص واحد لا يجرون في غبار احمد ابن حنبل في سفيان ابن عيين - 00:35:49

الشافعي كم لازم مالكا ما لازمه كما لازمه القعني ولا ابن وهب ولا هؤلاء ومع ذلك لما تحط الشافعي في مضمار حرملة ابن يحيى مثلا

وهؤلاء الكلام ده تلاقي الشافعي سبق - 00:36:09

القصة مش قصة ايه يعني ملازمة بتنفع مع مين مع صاحب الموهبة لكن ممكن واحد يلزم كثيرا جدا ولا يستفيد انا عارف ان ايامي

معدودة مع الشيخ ولزلك كان يعني كل حواسي كلها كانت مع الشيخ الالباني رحمة الله عليه. انا لما رجعت ظهر هذا على حتى على

حياتي الخاصة - 00:36:25

وقلت سبحان الله يعني لو الانسان استطاع ان يلقي هذا الشيخ المبارك ويبقى سهل ان هو يصل اليه والكلام ده لكان درس عليه كتبنا

لان ما درست على الدراسة واظن ان الشيخ فيما بلغني وابو ليلي يعني آآ - 00:36:46

يؤكد او ينفي ان الشيخ ما درس في عمان آآ الكتب على الطريقة المعتادة للشيخوخ اللي هو كان بيعملها في دمشق مسلا بحيس ان اي

طالب انما هو تلميذ الشيخ من مجالسة الشيخ ومجالسه. كان الشيخ يقعد يعمل محاضرة زي دي في البيت. وبعد - 00:37:02

اخر جلسة يفسح المجال للاسئلة. هذا هو صحيح. اه. لكن ما مسكش كتاب وقرأ الكتاب على الطلبة او انه شرح كتابا على الطلبة او

الكلام ده يعني آآ التلمذة حينئذ بتكون يعني ايه آآ تلمذة آآ اسئلة او آآ او مصاحبة لكن انا ما لازم مش - 00:37:22

لان انا شفت بعض آآ اخوانا على النت بيقول يعني ان انا ازعم انني يعني آآ درست على الشيخ قال انا ما درست على الشيخ شيئا هو

كل آآ حياتي مع الشيخ آآ قرابة شهر وخمستاشر يوم يعني انا لو عدت هعدي كده يبقى حوالي آآ اربعين يوم - 00:37:41

لكل رصيدي عند الشيخ الالباني رحمة الله عليه لكن الحقيقة الحقيقة يعني الشيخ كان آآ يرحمك الله. الشيخ انا تعلمت منه. انا تعلمت

منه الادب. تعلمت منه المسابرة حتى آآ فهرس المخطوطات الظاهرية - 00:38:01

قال لي كلمة هي مسجلة في الاشرطة الكلمة دي انا لا انسها وخط لي يمينه اهداء على هذا الكتاب. لما باقول له قصة الورقة الضائعة ومش عارف ايه. قال انا ذكرتها في مقدمة اه الفهرس. المختصة - [00:38:19](#)

قلت له ما ما عنديش الفهرس. ما رأيته قط قال اذا انا عندي نسختان انت احق الناس بالنسخة الاخرى واتاني بالنسخة الاخرى وكتب لي عليها اهداء لا زال مطبوعا على قلبي قبل ان يكتبه الشيخ على الورق - [00:38:34](#)

لانه قال الى اخي في الله تلميزي او الكلام ده الى اخي في الله فلان ذكرى التلاقي على حديثه صلى الله عليه وسلم ووقع الشيخ الالباني رحمة الله عليه على هذا. فانا كلمة الى اخي في الذي انا الحقيقة كل ما يعني اذكر هذا واسأل الله ان يرفع مقام الشيخ. انا لا اتركه - [00:38:51](#)

لا اترك الدعاء له في صلاتي ابدا بعد في بعد الوتر في دعاء اسطمبة كده حافظه ادعي لادعو لانا كده منهم الشيخ الالباني رحمة الله عليه وانا قليل البضاعة يعني ما ما اقدرش اتكلم عن الشيخ يعني آآ - [00:39:16](#)

كلام كثير لكن انا اتكلم كلام محب حتى وان كان قليلا كل الشكر لشيخنا على ما تفضل من هذا الكلام الذي فيه الوفاء لشيخنا الالباني رحمه الله تعالى اما الان فنفتح المجال للاسئلة وليكن السؤال من اليمين - [00:39:34](#)

من هالجهة اي نعم انا افتتحت مهداه من ضمن من جملة الساعة ونص اللي احنا درسناها مع الشيخ نفس البحث ده اه هو هو فانا فتحت لان الشيخ ممكن يكون نسي الموضوع - [00:39:55](#)

لكن انا فتحت الموضوع قلت له يا شيخ ما امس قلت لي ما احسنت الرد ايه الموضوع؟ فقال لي بقى ايه الزيادة التي كان حسننا هل هي زيادة ومغفرة في الرد - [00:41:06](#)

على ان الراوي هو خرج الرواية من كتاب التاريخ الكبير البخاري البخاري قال قال حدثنا ابن حميد فالشيخ يعني اه ظن ان ابن حميد هو محمد ابن حميد اظن ابن مهران او كده الاصبهاني - [00:41:18](#)

مش محمد بن حميد اه حتى بعض اخوانا المكيين او من الحجاز كان راجع الشيخ والشيخ ذكر هذا في مقدمة بعض ما ادري الجزء الكام في السلسلة صحيحة ورد على الاخ ازن في التالت الطبعة الثانية رد على الاخ وبعدين تراجع الشيخ بعد كده لما طبع كتاب شعب الايمان البيهقي ووجد ان - [00:41:34](#)

البيهقي خرج الرواية من كتاب شعب الايمان ونسب محمد بن حمادي. قال محمد بن حميد الرازي حينئذ محمد الرازي واهي يعني اه اهل الري اه يعني اه منهم من كذبه بزرعة الرازي ومحمد ابن مسلم ورا طرحه ايضا ابو حاتم الرازي - [00:41:57](#)

فحديث ضعيف جدا. فرجع الشيخ عن الرواية لكنه ابقى الاية على عمومها. برضه لكن هو فاضي كانت اول مرة اعرف الحقيقة المسألة دي وتخميني علمت انه كان في مكاني. يعني انه يزود حاجة بس يزود ايه؟ لا ادري يعني - [00:42:14](#)

الكلمة حول كلامك الاخير اي كتاب مرات ومرات حتى يؤتى له باذن انه ابي عندي تعريف في ذلك فضيلة الشيخ يخشى اذا فتح كتاب يكون في ايام معدودة للقاء الشيخ - [00:42:30](#)

الامر طبيعي على كثرة ما كان يأتيه من السعودية ومن الكويت والامارات كيف اذا فتحت ستشد الرحال الى وهذا امنيا يكون فيه صعوبة جدا جدا من اجل ذاك الشيخ كان - [00:42:56](#)

الله اليكم هذه مجموعة من الاسئلة عبر النت في سائل يقول اه هناك من يقول ان الشيخ مرجئ هل لكم رد على هذه القضية والمسألة والله انا هذه القضية انا يعني ما وقفت عندها كثيرا. لكن - [00:43:22](#)

في بعض الاخوة اول من افشى القصة دي في مصر يعني وانا بلغني ما ما سمعت انما قالها في خطبة جمعة بعض الاخوة اتصلوا بي وقالوا ان فلان يقول على القلعة على المنبر ان الشيخ ان في اسماء ضخمة جدا جدا انا لو قلتها وصرحت بها هتبقى - [00:43:44](#)

مشكلة ومع ذلك هقول واني زكر اسم الشيخ الالباني رحمة الله عليه فانا الحقيقة لما بلغني هذا الكلام آآ معتاد ان الاخوة لا ينقلون نقلا صحيحا لكن آآ قبل ان يأتي المساء كان كلمني حوالي اثنين او ثلاثة او اربعة - [00:44:05](#)

فهمت احد المشايخ قلت له ان فلان يقول كذا وكذا فهو اما يعني ان هو يتراجع عن هذا الكلام واما انا حتكلم الحقيقة هو الشيخ

الوسطى انكر جدا ان يقول - 00:44:24

الخطيب ان الشيخ مرجئي وعقد يوم الخميس اللي بعديه مباشرة آآ ترجمة في نفس المسجد للشيخ الالباني رحمة الله عليه والقضية طبعا حصل فيها لغط كثير وانا لم اتابعها لم اقرأ للجانبين لا فداء ولا فداء لان اول ما بدأت اقرأ لقيت فيه لغط شديدا وقسوة في الرد وتجهيل وتبديع والكلام ده وانا - 00:44:42

قلبي بينفر من لما يكون في واحد ما بيردش رد علمي قلبي بينفر منه ما اقدرش اواصل في لكن انا الحقيقة آآ ما بحثت ولا استمعت لشرائط الشيخ الالباني كلها. لان انا من بعد ما زرت الشيخ الالباني رحمة الله عليه تقريبا قل سماع - 00:45:07 في شرايط وكل الكلام ده من قول من اشرطة. اما في الكتب فانا لم اره ما رأيت شيئا يدل على ذلك في الكتب انما في الاشرطة الحقيقة ما سمعت بارك الله فيكم - 00:45:25

هذا سائل اخر يقول متى تكمل يا شيخ تعليقك الصوتي على صفة الصلاة للشيخ الالباني والله هو تقريبا كامل بس هو الان بيطلع الشرح شرح الشرح اللي انا كنت شرحتة - 00:45:38 صلاة النبي آآ للشيخ الالباني الان بيطلع في مجلدين نعود للاسئلة تفضل والله انا يعني اه قلت بهذا برهة من الزمن ثم لما وصلت الى اه موضع البحث في كتاب الثمر الداني - 00:45:53

تبين لي ان الحديث معل لذك انا لا اقول به يعني انا الكتاب الثمر اداني في الذب عن الالباني ده انا كنت اطلعت الشيخ الالباني رحمة الله عليه عليه قلت له انا بعمل كذا وكذا حتى ان الجزء اللي هو تنبيه الهاجد اللي كنت نزلته مجلدا واحدا فقط مقدمة الجزء الرابع من تنبيه الهاجت. تنبيه الهاجت - 00:46:21

عفوا سمر الدهني اربع اقسام. القسم الاول ترجمة الشيخ القسم الثاني آآ اللي هي المشاكل الحديثية بين الشيخ وخصومه اصولا وفروعا اصولا وتخريجا يعني القسم الثالث المسائل الفقهية التي خالف الشيخ فيها او خالف الناس الشيخ او خالف الناس - 00:46:44

القسم الرابع الاوهام التي وقعت في كتاب في كتب الشيخ من نتيجة تصحيح او اجتهاد او الى اخره. دي الاقسام الاربعة فانا لما وصلت الى التحقيق الحديث هذا الحديث لا تصومني شرط حديثا - 00:47:06 تبين لي ان هذا الحديث معل وكذلك حديث آآ لا يعني آآ حديث حذيفة ابن اليمان فيما يتعلق بالاعتكاف الا في المساجد الثلاثة تبين لي ايضا ان الصواب فيه الوقف - 00:47:22

فلذلك انا كنت اتبنى اتبنى وجهة النزول لان صيام السبت الحقيقة مع تصحيح الحديث آآ ما نقدرش نقول الا بكلام الشيخ فيه وكلام الشيخ قوي قوي جدا يعني فيه على فرض - 00:47:40 سويت الحديث لكن انا اخيرا يعني منذ آآ سنتين لا ارى صحة الحديث الله اليك هذا سائل يقول هل صحيح ان لكم اه مناقشة مع الشيخ فيما يخص الذهب المحلق - 00:47:55

مناقشة مع شي كانت في القبض الاخذ من اللحية الويل والرأي الشيخ كان يراه رحمه الله انه لا يجوز ايه؟ يعني انه يجب الاخذ آآ اخذ ما زاد عن قبضه - 00:48:17

ده شريط مسجل كنت كلمت شيخ من الخبر وكان لسه الرأي رأي الشيخ كان جديدا علي انا انكرت ان يعزى هذا للشيخ لان آآ الشيخ لي معه كلام مسجل في في عمان - 00:48:34

كان يرى الجواز كان يرى جواز الاخذ فقط. اما يرى وجوب الاخذ بمعنى يأثم اذا لم يأخذ فده كان جديدا علي. ولذلك انا كنت اتلمس طريقتي وانا اسأل الشيخ وكنت اذا اردت ان اسوق اعتراضا اسوقه على لسان غيري عشان اقدر افلت. لو مسكني كده بالكماشة اقدر آآ افلت ما يبقاش شكلي وحش. اقول يا شيخ - 00:48:49

يعني آآ قال قائل واعترض معترض بس هو كشفها يعني في السكة يعني اكتشفها في اخر الشريط آآ لكن انا وجدت ان هذا من الادب ان انا لا يعني ابدي اعتراض - 00:49:11

وفي نفس الوقت هذا يبقى يعني يديني فرصة ان انا اتخلص ولا يعني برضو انا يعني من الاشياء التي انا لا اراها ابدا مسألة الوجوب وجوب الاخذ اه ممكن اه جواز الاخذ؟ اه له وجه. اما وجوب الاخذ وجهة نظري - [00:49:26](#)

من يوم ما ناقشت الشيخ في هذه المسألة وانا على قناعة يعني كاملة بجواز الاخذ وان كنت انا يعني في نفسي اتبنى ترك الاخذ مطلقا لكن اذا اخذ انسان - [00:49:43](#)

يبقى ده ممكن ممكن يبقى له ايه؟ يبقى له في الدليل مجال وما اقدرش ابدعه ولا الكلام ده حتى الشيخ رحمة الله عليه انا اظن انه آآ عرف مؤخرا والا ففي ذلك الوقت - [00:49:58](#)

ما كان الشيخ يدري ان ابن جرير الطبري سبقه الى هذه المسألة لان انا لما قلت سألتته قلت له يا شيخ هل تعلم احدا سبقك الى هذا القول؟ قال لا اعلم - [00:50:12](#)

طبعا فيما بعد وانا اطالع المسألة وجدت ان البدر العيني في عمدة القارئ ذكر مذهب ابن جرير الطبري وهو وجوب الاخذ آآ فكان على لساني اقول للشيخ كلمة دائما يقولها لكن عقد الحياء لساني - [00:50:23](#)

هو الشيخ كان دائما يقول انا لا اتبنى قولاً ليس لي فيه سلف كان على لساني اقول له يا شيخ طب من سلفك في هذا؟ ولكن الحقيقة عقد الحياء لساني ما ما استطعت ان اتكلم يعني - [00:50:39](#)

لكن اعتقد انه آآ ازن مراد آآ اللي هو مع الشيخ الذهب المحلق ازن ثلاث تشريطة او مش كده؟ اه بس قبل ان نبدأ نسأله في سيارة يعني اوبيك اللون ابيض - [00:50:54](#)

مسكرة على احد الاخوة طبيب والحقيقة معلش انا اريد ان اضع ذيلاً يعني على مسألة ان الانسان ممكن يخالف شيخه في مثل هذه المسائل هذا الخلق احنا اتعلمنا من الشيخ ناصر - [00:51:10](#)

علمنا الشيخ اللباني مع قطع النظر من المصيب يعني الشيخ ناصر طبعا هذا يعني من البذل القناعيس وانا ابن اللبون يعني ما انا عارف الفرق بيني وبين الشيخ في العلم وفي الفهم واعرف واقدر هذا تماما. لكن آآ مما استفدناه من الشيخ رحمة الله عليه - [00:51:24](#)

ان الانسان ممكن يتبنى وجهة نظر مخالفة لكن يكون مؤدبا يكون مؤدب في الخلاف. انا هذه الاشياء يعني ما اه يعني اه وصلت اليها الا بعد ما احسست اني جمعت طرق الحديث او ان - [00:51:43](#)

اه مسلا الفهم عندي اصبح اكثر نضوجا من ايام ما كنت آآ من ايام ما كان الشيخ حي ان بعض الناس قد يتصور ان احنا عملنا ابطال بعد وفاة الشيخ. ان احنا خالفنا الشيخ وبتاع والكلام ده ابدا المسألة ليست عندي ابدا هكذا. لكن واياهم ما - [00:51:59](#)

كان الشيخ حي رحمة الله عليه كنا لا زلنا برضو آآ الى حد ما يعني ما لكن بعد جمع طرق الحديث التخريج المستمر والنظر في تخريجات العلماء برضو الانسان يببقى اكثر نضوجا من ذي قبل - [00:52:18](#)

هذا الذي يعني آآ اردت ان انه عليه حتى لا يستدرك علي اني ما خالفت الشيخ لأ انا خالفت الشيخ في حياة الشيخ وفي كتب انا اهديتها للشيخ بنفس اهديتها للشيخ لنفس - [00:52:32](#)

وانا سمعت آآ شريطا آآ لطالب كان عايز يهيج الشيخ علي. انا كنت نشرت زمان كتاب الاربعين الصغرى البيهقي آآ وبعدين نقلت آآ تأويل الخطابي لصفة الضحك. ضحك الرب عز وجل - [00:52:45](#)

وسكت لم اعلق فكان ايامها بقى في جدة مجموعة كده طالعة عمالة ايه ترميني بالتجهم وتأويل الصفات وبتاع والكلام ده هو آآ سأل الشيخ في آآ يعني قال له يا شيخ آآ الحويني يعني آآ يقول بقول المش عارف الذين يأولون ويعمل كذا قال له في اي كتاب - [00:53:08](#)

قال له في كتاب آآ الصغرى للبيهقي. فما قولك يا شيخ؟ فالشيخ لم يرد ما رد عليه. انما قال ايوه سؤالك واحد تاني قال ما سؤالك انا عايز اقول يعني - [00:53:30](#)

كتاب البعث لابن ابي داود الشيخ فيه رحمة الله عليك كبر الاحسان تعاقبت كتاب غرس المجنون تعاقبت الشيخ فيه. وهذه الكتب انا

اهديتها بيدي الشيخ الالباني رحمة الله عليه هو المسألة مش مش جدعنة ولا فرد عضلات انك بتتعقب الشيخ ولا الكلام ده لأ -

[00:53:49](#)

بس احنا اتعلمنا من الشيخ رحمة الله عليه انه اذا بدا الحق لك لا يجوز لك ان تبغي عنه حولا الا ان يظهر لك شيء ينقلك عن مع طبعنا

الايه مع كما قلت مع يعني آآ سلوك سبيل الادب مع الشيخ يعني - [00:54:06](#)

اي نعم الشيخ محمد عمرو هو الاخ بيسأل بيقول آآ ان انا آآ كنت اصطحبت رسالة للشيخ محمد عمرو رحمة الله عليه آآ وانا ذاهب

للشيخ الالباني فهل ده حق للشيخ اثنى عليها؟ فعلا - [00:54:24](#)

انا الشيخ آآ محمد عمرو رحمة الله عليه وهذا يعني من رفقاء الدرب ومن اه يعني آآ اسأل الله ان يرحمه وان يرفع مقداره فهذا الشيخ

عاش مغمورا ومات مشهورا - [00:54:53](#)

وانا آآ اظن والله اعلم ان هذه من عاقبة الاخلاص. اللي حضر جنازة الشيخ محمد عمرو اكثر من ثلاثين الفا واغلبهم لا يعرفه الشيخ

محمد كان رجلا منجمعا على نفسه وكان رجل حبيس المكتبة ويطلع من المكتبة للشغل - [00:55:12](#)

آآ ما احد يعرفه مطلقا حتى الكثير من المشايخ الذين اتوا من بلاد بعيدة ما رأوه ولا لهم علاقة به فضلا عن العوام ان الارض اتشقت

وخرج انا احسب يعني ان هذه من عاقبة اخلاصه وكان له سمت - [00:55:28](#)

لما كان يصلي كنت تحب تبص له وهو يصلي يعني وكان يعني يحمل عقلا كبيرا مع قلب طفل رحمة الله عليه. فانا اربطني به آآ محبة

قديمة وحريص على اني انتزع - [00:55:47](#)

شهادة الشيخ الالباني في حق الشيخ محمد ومسألة الاقران والكلام ده آآ مش موجود عندنا خالص. يعني في مصر الحمد لله اعتقد ان

كل العاملين في الدعوة السلفية ليس بينهم احد خالص - [00:56:05](#)

علاقتهم جيدة جدا واعتقد ده كان احد الاسباب الرئيسة في ان الدعوة آآ يعني آآ غطت آآ سماء مصر كلها بحمد الله انا كنت حريصا

جدا على ان انتزع شهادة الشيخ الالباني - [00:56:22](#)

الشيخ محمد عمرو عشان اديها هدية وقلادة على صدر الشيخ محمد عمرو بتكون موجودة في الاشرطة. واللي يسمع الاشرطة يسمع

ثناء الشيخ. فعلا كان اديته الرسالة كان اسمها القسطاس في تخريج حديث الاكياس. وان كان الشيخ محمد عامر فيما بعد رجع عن

تصحيح الحديث - [00:56:37](#)

ويعني آآ قال لك انا كنت متساهل زمان. وكنت ماشي تبع مذهب المتأخرين وانا الان مذهب المتقدمين. قصة كده مع الشيخ يعني.

لكن انا فلما اعطيت للشيخ الالباني اول ما آآ وطئت قدمي عمان واستعجلت ان الشيخ يقرأ - [00:56:57](#)

خشية ايه؟ ان انه لا يقرأ وارجع وليس في يدي ففعلا الشيخ اثنى عليه وقال كتاب مفيد وهذا طالب علم جيد ده كلام الشيخ الالباني

آآ عن الشيخ محمد بارك الله فيكم - [00:57:16](#)

هذا سائل يقول ما مشاريع الشيخ المستقبلية في التأليف والله انا عايز آآ اوضح حاجة يعني اخواني يلوموني عليها ويقولون يبدو

ان آآ كل مصري لا يتم عمله وضربوا المثل بالشيخ احمد شاعر رحمة الله عليه انه دخل في اكثر من مشروع وما كملش ولا مشروع -

[00:57:32](#)

بيقولوا انت شكلك برضو هتبقى زيه برضو فاتح في مشاريع كثيرة ومع ذلك لا تتم مشروعا انا عايز اقول حاجة مهمة آآ مصر الدعوة

فيها لها طعم مختلف اه يعني عايز اقول ايه - [00:57:56](#)

انت ما تقدرش ترد سائلا مطلقا وبعدين لما دايمنا نقول للناس لابد ان يكون لك مرجع اما ان تكون عالما او بصحبة عالم. الناس

بيعتقدوا ان احنا على شيء من العلم فبيجي بقى عشان يحكي لك حياته اللي فاتت - [00:58:19](#)

يقول لك انا حياتي كلها مليانة مصايب. سبني احكي لك بقى براحتي علشان تقول لي المصيبة دي اطلع منها ازاوي اطلع منها ازاوي

ودي اطلع منها ازاوي كل ما تقول يا اخي اختصر. انا مش فاضي ما هو برضه في ناس كتار جدا كل واحد له برضه مشكلة وبتاع وبتاع

ما تعرفش - [00:58:39](#)

لا تستطيع عشان خاطر الناس تحب الدعوة والكلام ده فبتقوم تبزل نفسك الدعوة الاعلانية استهلكت منا شيئا كثيرا. وما باعرفش

اقول لحد لأ. يا بهجت. الشيخ الالباني كان صارما الشيخ الالباني واحد يعني بيحكي لي - [00:58:56](#)

بيقول لي اتصلت به من المغرب وبسأله سؤال فقال لي ما سؤالك آآ بابلع ريقى محطة السماعه فاتصلت به تاني فقلت له يا شيخ حطيت سماع قال لي ما انا مش ما قال له كلام يعني مش هتفضل تبلع ريقك. كل ما واحد يتصل ويبلع ريقه انا هضبع وقتي. فانت

تقول انت عايز ايه بالضبط - [00:59:13](#)

الكلام ده. الشيخ رحمة الله عليه حريص على الوقت ما كان يحتشم انه يقفل سماعه. احنا ما نعرفش نعملها اه فاقبال الناس المنقطع النظير عن الدعوة بيخلي الواحد مش قادر يواصل البحث. ما فيش وقت. واقول لنفسى اعلل يعني لنفسى. لا تدري اي عملك المقبول

- [00:59:32](#)

مممكن تصنف كتابا يعني تظن انه حيكسر الدنيا يموت بموتك وهذا الرجل الحائر الذي ينتظر كلمة منك ليستقيم على درب الهدى قد

يكون هو ده اللي في ميزانك وانت لا تدري - [00:59:52](#)

ما عدش عارف الواحد ايه يعني كل ما تروح في ارض كأن الارض بتتزرع ناس واقبال من قطع النظير والدعوة لها مشاكلها مشاكلها.

يعني النهادة مسلا لما يجي واحد عشان يحكي لك حكاية - [01:00:08](#)

ساعات انا ابقى متأثر بالحكاية اكثر منه هو انا ممكن اعيط عليه هو يمشي وانا عايش بمشكلته هذه الظلال اللي بتأتي على القلب

والحزن اللي بيركب المرء والكلام ده بضد صفاء الذهن بالزات في علم الحديث يعني اخونا الشيخ ابو يوسف - [01:00:23](#)

آآ يعلم ان علم الحديث ده علم يحتاج الى ذهن وقاد وقريحة صافية ليه بتصطاد اصطاد يعني لما يكون في علة حديث بالزات لو

انت بتعالج علم العلل. فيه كتاب مسلا زي كتاب ابي حاتم في العلل. كلام الائمة كلام الائمة المتقدمين في العلل كلام مجمل -

[01:00:41](#)

يقول لك منكر باطل. انت مطلوب منك تعرف تعلي اللي له باطل. له منكر وقد يكون الطريق غريبا. رأس مال المحدث مفرق في

عشرات الالوف من الاجزاء الحديثية والكتب لما يكون رأس مالك مفرق هذا التفريق انا اجيبه ازاى؟ لازم يبقى عندي فهارس علمية

ولازم يبقى عندي كتب مسندة كثيرة واستحضر الفائدة والكلام ده - [01:01:02](#)

فده عناء معاملة انا عشان آآ اكون لسة جاي من محاضرة ومن مجلس صلح ومشكلة اطلع علشان اشتغل واصطاد العلة والكلام ده؟ ما

اعرفش والكلام في الحديث كلام جواهرجية يعني ممكن سطرين اتنين ياخدوا منك ليلة وليلتين وتلاتة - [01:01:27](#)

مش زي الجماعة اللي عندهم بقى كل شهر يألفوا لي بتاع قال ابن تيمية عشرين صفحة قال مش عارف عشرين صفحة قال قال

الشيخ وفجأة بعد ثلاث اربع ليالي طلع بكتاب مسلا - [01:01:47](#)

متين تلتيمت صفحة في واحد اخذ منزلة من منازل السائرين لابن القيم تلتيمت صفحة فتح القوس في اول صفحة رقم ثلاثة وقفله

في الصفحة رقم تلتيمية طب اديني عقلك وانا ايش عرفني هو القوس ده مفتوح لمين وهيتقفل امتى - [01:01:57](#)

مسلا وخلص وده يبقى مسلا كتاب والكلام ده. واحد بقول لك يعني شغل ابن القيم بيبيعوه جملة وقطاعة. يقول لك ايه؟ تحريم

الغناء لابن طيب قم جايب فصل من اغانة الله فان - [01:02:18](#)

احنا بقى مش عارفين ان هو اخذ الفصل ده وعمل فينا الفصل البايع ده ها وسمى الكتاب من عنده انا فاكر ان هو كتاب مخطوط لسه

جديد لابن القيم اشتري الكتاب الاقيه - [01:02:32](#)

يعني جملة وقطعها زي ما بنقول لأ التحرير في العلم هو ده العلم مش الجمع. الجامعة لون من العلم بس مش الجمع بطريقة الشباب

بيعملوها اليومين دول علم الحديث علم التحرير. تكتب السطر تتعب عليه قبل ما تكتبه - [01:02:42](#)

مممكن تقرأ عدة ابحاث عشان تكتب اسناده صحيح او عشان تناقش علة من العيلة فالحقيقة ده عمل عندي اه يعني ايه عطلني كثيرا.

العمل في الدعوة العامة مشاكل الناس والكلام ده وان كان له ثمرة كبيرة جدا لكن حصل نوع من التعطيل لان انا ما بانقلش ما باجيش

وانقل انا باحرر - [01:03:01](#)

وانا في ايام شبابي كان عندي مشروعات كثيرة كان عندي نهم كنت انام ساعتين ثلاثة في اليوم واشتغل شغل يعني من حديد لحد عندي مشاريع يعني ابني ابن ماجة مسلا سد الحاجة الى ابن ماع يعني ست مجلدات - [01:03:22](#)

لحد نهاية كتاب الطهارة بذل الاحسان تقريب سنة سابعة وعبدالرحمن اتناشر مجلد لحد كتاب الجنائز عندي آآ كتاب آآ الكتاب اللي انا كملته يعتبر ماشي فيه كويس كتاب تنميل هاجت - [01:03:39](#)

الى ما وقع من النظر في كتب الامازيغ كان طبع ست مجلدات من حوالي عدة سنوات. والان في المطبعة يمكن بعد آآ اسبوعين ولا حاجة يطلع من سبعة لاتناشر ده تعقبات على العلماء الكبار. شرح علل ابن ابي حاتم جنة المستغيث بشرح الاحاديث. دي كلها من الاوراق القديمة - [01:03:52](#)

ده آآ هيطلع كتاب الطهارة في ثلاث مجلدات المجلد الاولاني صفر والمجلد الثاني والثالث ما زالوا في الصف. ده كله شغل قديم طبع بعد ما جت قصة الفضائيات والكلام دهوت ما عادش الواحد قادر يعمل اي حاجة - [01:04:11](#)

خلاص يعني انا عشان خاطر اهرب من الناس لازم اخلع الطربوش اللي انا لابسه ده هو ده اللي بيميزني. اول ما اخلع اقرع زي بقية الناس ما فيش حد يعرف الكلام ده. عشان اقدر اهرب منها. طبعنا الناس فاكدة عشان القطاعات والفضائيات يبقى انت وزير المالية وانت وزير الحربية - [01:04:27](#)

وزير الداخلية وانت مش عارف ايه اللي له از في الاسم واحد مسجون انت المفروض تطلعه. اللي عايز يجوز بنته المفروض تقف جنبه واللي عايز مش عارف ايه والكلام ده - [01:04:42](#)

انزل من البيت اجد امة قدام البيت ده طالب مساعدة وده طالب دواء وده طالب مش عارف ايه وده طالب الكلام ده. طب انا النهاردة عشان ارواح اصلي في المسجد - [01:04:52](#)

آآ وارجع اقف مع دول ساعات يبقى فاضل على العصر مسلا نصف ساعة ما تلحقش تعمل حاجة يا دوب تفتح الكتب العصر بيدن عشان تنزل مرة اخرى عشان تلقى هؤلاء - [01:05:02](#)

عشان انا يعني آآ اقدر اوفر وقتي. احيانا انزل قبل الفرض بنصف ساعة وانا عارف بعض المساجد اللي بتقيم اول مساجد في البلد تقيم اصلي فيها وارجع الاقي النساء اللي ما عندهم جماع قاعدين - [01:05:19](#)

لو انا عدت بقى ما ايه زي ما تقولي ايه يعني آآ واخذ بالك فمش عارف الواحد يعمل ايه يعني يعني آآ فكرني بقصة المرأة اللي هي منكدة على جوزها وكده - [01:05:38](#)

فهو عرف انها ايه عشان يهرب منها فيطلع من الشغل يقعد على القهوة قولي ارواح الساعة اتنين بالليل تكون نامت فهي آآ فعلا قدر يومين ثلاثة اربعة يعمل المسألة دي هي فهمت المزهب الجديد بتاعه. فكانت تنام له من بعد العشاء - [01:05:51](#)

بحيس اذا جه الساعة اتنين تقوم فايقة بقى. ها فتقوم تتهدج بقى فيه. ها تقوم الليل فيه ما انتاش عارف تفلت لا من دي ولا من دي. حتى انني يعني آآ حاولت اتصل ببعض اهل العلم ممن يعني اثق في رأيهم. هل ممكن تسقط من علي - [01:06:09](#)

انما مش قادر وقت رهيب وما تقدرش فيه ناس شبطة كده مهما تقول له مهما تنهره لا يمكن يترك ما يريد لازم ازهقك يعني هذا الضغط الشديد والكلام ده ما الذي يبقى لك - [01:06:27](#)

من يومك لو انت ماشي بالنزام ده ما الذي يبقى لك من يومك فضلا عن ان الواحد رباه اسر طب بص انا مش زيكم انا قرموط ها اه يعني اه عندي اربع نساء والحمد لله وعندي اولاد اه كثر. فداك اب كاب يعني كاب شوف - [01:06:43](#)

بالاولاد يشوف ده راح فين وده صلى ولا ما صلاح وده راح مش عارف ايه والكلام دهوت ده ممكن حياة الانسان تقف كلها على الاسرة انت شف لما تحط كل الكلام اللي انا بقوله بالمختصر يعني - [01:07:05](#)

ما الذي يبقى لك من الوقت علشان تقدر تحرر عشان كده انا لا اجد مناصا من ان انا احيانا الغي آآ حلقة بالقناة الفضائية الغي حلقة الحلقتين بتاع الغي ساعات درس الغي خطبة جمعة عشان اقدر - [01:07:18](#)

اشتغل عشان اقدر اطلع مشاريعي القديمة لان المشاريع القديمة كما لا يخفى يعني على اهل العلم اه مسودات لو انت مت الصبح ما

فيش حد يعرف يطلع مشاريعك عشان كده انا ارى - 01:07:33

انه لا ينبغي ان يحاكم المؤلف على اخراج علمه بعد وفاته الكتب اللي طبعته بعد وفاة الشيخ الالباني رحمة الله عليه آآ بخلاف الكتب التي نشرت في حياته. يعني صحيح ابي داوود اللي طبع حداثه مجلد. انا في حدود علمي ومطالعتي لكتب الشيخ. لم ارى ان الشيخ في كتاب من - 01:07:48

بشر بقرب بقر بقر خروج هذا الكتاب ولا قال اعده للطبع ولا قال اهينه للطبع ولا الكلام ده خالص النهاردة لما الكتاب ده يطلع بعد وفاة الشيخ ممكن يبقى المؤلف يقول اه البس ده ضعيف - 01:08:08
انا هغيره بس انا اللي عارف البس ما شطبتش عليه عشان يبجي اللي بعده يقول ده شطب عليه فمش معتمد. لأ قلت ده هغيره بس ما غيرتوش لان انا عارفه - 01:08:23

مت قال لي بعديا شاف لا فيه شطب ولا بتاع والكلام ده اعتقد ان ده رأي الشيخ وقد يكون ينوي ان يغيره لا سيما اذا كان من مشاريعه القديمة قبل ما تستوي ملكته قبل ما يبقى عنده كتب كتير الكلام ده. فعارف ان الكتب التي الفتها - 01:08:33
وتعبت عليها كثيرا انها لو خرجت بعد وفاتي الاسهم والكلام الكثير اللي بالاحمر والاخضر والازرق والكلام ده مش هيعرف اللي ورايا يحط الكلام في مكانه وممكن يطلع الكلام مختل ابتديت احاول اخرج كتبي القديمة في حدود الوقت المتاح - 01:08:48
ودايما زي ما بقول لك بيطاردني مسألة ايه؟ انك لا تدري اي عملك المتقبل اللي الناس لما رجعت الى السنة بالفضايا امم امم يعني الوف مؤلفة الانسان مش متصور او ما خطر بباليه في يوم من الايام - 01:09:10

ان تكون هذه الثمرة بهذه الضخامة اللي احنا شايفينها بحيس ان الشباب الداعون الى الله عز وجل في الارياض والكلام ده خف من عليهم عبء كبير من مهاجمة العوام. كان زمان لما احنا كنا ندعوا العوام واقفين حائط صد - 01:09:27
ضدنا. دلوقتي لأ بقوا بيحبوا المسل مشايخ وخلص اللحية بقت هي علامة على السنة والشيخ ده طالما بيدعو يبقى ده تبع الشيخ الفلاني والشيخ العلاني فخفف ضغط على شباب اللي بيدعوا في الارياض والكلام ده. فالحقيقة الناس رجع رجوعا حميدا جدا جدا. ونسأل الله عز وجل ان يبارك. فهو ده الحقيقة - 01:09:47

السبب اللي مخليني مش قادر ارجع لمشاريعي وان انا اكملها على النفس معلش انا يعني بسطت المسألة لاني كثيرا جدا ما اسئل وتصلني رسائل عتاب وان انا مش هكمل وان انا بفتح في ميت مشروع ما بقلش ولا مشروع. انا فتحت في المشاريع دي كلها وانا شباب - 01:10:05

وانا شاب كان املي كبير وكان مجهودي كبير وكان عنده صحة الحمد لله والكلام ده. فكنت متصور ان انا هكمل. لكن آآ الله المستعان بارك الله فيك مد الله في - 01:10:23

هذا سائل يقول اه ما هي طريقة تحريك الاصبع في التشهد كما ذكر الشيخ الالباني رحمه الله الشيخ الالباني رحمة الله عليه ودي لها حكاية برضه آآ لما قرأت في سورة النبي صلى الله عليه وسلم اول ما قرأت انه كان يحركها فكنت بحركها بالطريقة دي كده - 01:10:36

فدي كانت عاملة لنا مشكلة مع الجماعة الفلاحين في بلدنا طبعنا مش متعودين على القصة دي ده عندهم لعب. طول الصلاة عمال تعمل كده فواحد حتى فلاح يعني من اهل البلد بيقول لي ما انت انت طول الصلاة بتنطو ردود. ليه؟ ليه؟ تعمل كده كده - 01:10:59
انت بتستهزأ بالسنة ولا ايه! كبرانة في دماغه برضه يستهزأ بالسنة وبتاع. قال لي عمال تلعب بصباغك كده وشاغلني وكل شوية ابص عليك وبتاع والكلام ده. فانا لما رحت باصلي في مسجد الفلوجة بالجانب الشيخ الالباني - 01:11:18
رحمة الله عليه وحريص اصلي جنبه عشان آآ اتعلم يعني الصلاة وكده. فالان ايه فيقول لي آآ هل عندك علم بان الحركة هكذا قلت له والله يا شيخنا انا خدت الكلام ده من كتابكم - 01:11:32

انت قلت يحرك فانا يحرك قال هذا لا هذه ليست حركة. هذا خفض ورفع رفض ورفع والكلاب ما فيهموش الكافية انه كان يحرك مبسوسة كيف احرك عقدها لي هكذا. وقال انك انت بتنصب هذا الاصبع الى القبلة - 01:11:51

وتحركه في مكانه كأنها رعدة كده سريعة يحركه في مكان. دي اسمها حركة. انما اللي انت بتعمله ده اسمه خفض ورفع ايه اه بينظر دود. ما هي تقريبا بتيجي بالعادة برضو. يعني الانسان اذا تعود عليها مهما كانت الاول ممكن تبقى غريبة علينا دلوقتي خلاص يعني ما الانسان تعود عليه - [01:12:09](#)

اه في الختام بان اه كثير والاسئلة كثيرة كل يقول بانه يحب الشيخ وكلنا كذلك نحبك في الله يا شيخ ومد الله في عمرك نسأل الله سبحانه وتعالى ان تتجدد اللقاءات مرة اخرى - [01:12:47](#)

ونكتفي بهذا والحمد لله رب العالمين - [01:13:13](#)